

# All India Radio, Sambalpur

## SAMBALPURI NEWS BULLETIN

(Dt- 27-6-2017) Tuesday - 20.27Hrs

### ON DUTY

Deputy Director : **Sitanath Mishra**

### News Reader :

- 1. Bharat Gaurav Dash**
- 2. Supritee Mishra**

୧- ପୁରୀ ଗୁଣ୍ଡିଚା ମନ୍ଦିର ଆଡ଼ପ ମଣ୍ଡପକେ ବିଜେ କରୁଛନ୍ ଚତୁର୍ଦ୍ଦାମୂର୍ତ୍ତି ।

୨- ଶ୍ରୀ ମନ୍ଦିରର ଗର୍ଭଗୃହର ଥିତି ଯାଂଚ୍ କଲେ ବିଶେଷଜ୍ଞ ଦଲ୍ ।

୩- ରାଏଜର ୩ ହଜାର ୮ ୧୬ ଲାଖ୍ ହେକ୍ଟର ଜମିକେ ଜଲ୍ ସେଚିଡ୍ କରାଯାଇଛେ- କହେଲେ ମୁଖ୍ୟମନ୍ତ୍ରୀ

୪- ଦେବଗଡ୍ ନ ମହିଲା ମାଓବାଦୀଙ୍କର ଆତ୍ମସମର୍ପଣ୍ ।

ଆଉର

୫- ରାଏଜର ୧୦ଟା ଜିଲ୍ଲା ନୁ ଏବ୍ତକ୍ ୩ ପ୍ରତିଶତ୍ କମ୍ ବର୍ଷିଛେ ମୌସୁମୀ ।

ପୁରୀ ରଥଯାତ୍ରା Puri/R

ପୁରୀ ଶରଧାବାଲି ନ ଥିବା ରଥ ଉପରୁ ଶ୍ରୀଜୀଉମାନଙ୍କୁ ଆଏଜ୍ ଗୋଟି ପହଞ୍ଚିଥି ନିଆ ଯାଇକରି ଗୁଣ୍ଡିଚା ଘରର ଆଡ଼ପ ମଣ୍ଡପ

ନ ବିଜେ କରାଯାଇଛି । ଉପର୍ବେଳା ରଥମାନଙ୍କୁ ଚାରମାଳ ବନ୍ଧାଯିବାର ଉତ୍ତରୁ ସଞ୍ଚର ୬ ବାଜିକରି ୨୦ ମିନିଟ୍ ପୁଷ୍ପାଞ୍ଜଳି କରାଯାଇକରି ମଦନ୍ମୋହନ ବିଜେ ହେଇଥିଲା । ୬ ବାଜିକରି ୩୫ ମିନିଟ୍ ନଶ୍ରୀ ସୁଦର୍ଶନଙ୍କର ବିଜେ ମୁଲ୍ ହେଇଥିଲା । ଆଏଜ୍ ରାତି ମାହାପୁରୁମାନଙ୍କୁ ଦୁଇପହରେ ଗୁଣ୍ଡିଚା ଘରେ ଖଇକରା ଭୋଗ୍ କରାଯିବା ଆର୍ କେତେଟା ନୀତି ଉତ୍ତରୁ ପହୁଡ଼ ହେବା । ଆଏବା କାଏଲ୍ ଗୁଣ୍ଡିଚା ଘରେ ଶ୍ରୀଜୀଉମାନଙ୍କୁ ଅନ୍ନଭୋଗ୍ ଲାଗି କରବାରକେ ଶ୍ରୀମନ୍ଦିର ପ୍ରଶାସନ୍ ତରଫୁ ପ୍ରସ୍ତୁତି ଚାଲିଛି ବଳି ଆମର୍ ପୁରୀ ପ୍ରତିନିଧି ଶ୍ରୀକୁମାର ଶୁକ୍ଳା ଜନେଇଛନ୍ ।

ଗର୍ଭଗୃହ ଯାଂର୍            Puri/R

ଶ୍ରୀକ୍ଷେତ୍ର ପୁରୀନ ଶ୍ରୀଜୀଉମାନେ ୯ ଦିନିଆ ଘୋଷଯାତ୍ରା ନ ଗୁଣ୍ଡିଚା ଘରକେ ଯାଇଥିବାର ବେଳେ ବିଶେଷଙ୍କ ଦଲ୍ ଗର୍ଭଗୃହର୍ ଥୁତି ଯାଂର୍ କରିଛନ୍ । ଏଏସ୍ଆଇର୍ ବରିଷ୍ଠ ଅଧିକାରୀ ଆର୍ ପୂର୍ତ୍ତବିଭାଗର ଇଞ୍ଜିନିୟର୍ମାନେ ଗର୍ଭଗୃହର୍ ଯାଂର୍ କରିଥିବାର ବେଳେ ତାକର୍ ସାଙ୍ଗେ ଶ୍ରୀମନ୍ଦିରର ମୁଖ୍ୟ ପ୍ରଶାସକ୍ ପ୍ରଦୀପ୍ କୁମାର୍ ଜେନା ଭିଲ୍ ଥିଲେ । ପ୍ରଫେସର୍ ଜି.ସି. ପାଲ୍, ଇଞ୍ଜିନିୟର୍ ପଦ୍ମନାଭ ମହାପାତ୍ର ଆର୍ ଇଞ୍ଜିନିୟର୍ ଧର୍ମପ୍ରସାଦ୍ ମିଶ୍ର ଯାଂର୍ କାମ୍ କରିଥିଲେ । ନାରମଣ୍ଡପର ଗରୁଡ଼ ଖୁମ୍ବା ଉପରର ବିମ୍ ଦୁର୍ବଲ୍ ଅବସ୍ଥା ନ ଥିବାରନ୍ତୁ ଗର୍ଭଗୃହ ସହେତେ

ନାଟ୍ୟଶୃଙ୍ଖଳା ଆର ଜର୍ନାଲିଷ୍ଟ୍ରୀର ସ୍ଥିତି ବିଶେଷଜ୍ଞମାନେ ଯାଞ୍ଚ କରିଛନ୍ ବଳି ବୈଷୟିକ ପରାମର୍ଶଦାତା କମିଟିର ସଦସ୍ୟ ଡକ୍ଟର ଏନ୍.ସି. ପାଲ୍ ଗଣମାଧ୍ୟମକେ କହିଛନ୍ । ସେ କହିଛନ୍ ଯେ, ଗର୍ଭଗୃହ ଭିତ୍ରେ ଠିକ୍ ଭାବେ ପବନ୍ ଯାଇପାରବାର ଲାଗି ଲଗାଯାଇଥିବା ପଞ୍ଜାମାନ୍ ଠିକ୍ ଅଛି କି ନାହିଁ ଆର ଗର୍ଭଗୃହନ ଆଦ୍ରତା ହଉଛି କି ନାହିଁ ହେତାର ଅନୁଧ୍ୟାନ କରାଯାଇଥିଲା । ହେଲେ ସବୁ ବଛର ବାଗିର ଇଥରଭିଲ୍ ଗର୍ଭଗୃହ ନ ଏଏସ୍ଆଇ ଡରଫ୍ଟୁ ରାସାୟନିକ୍ ଲେପ୍ ଦିଆଯିବା ବଳି ସେ କହିଥିଲେ । ସେ ଆହୁରି କହିଥିଲେ ଯେ, ବିଶେଷଜ୍ଞମାନେ ବୈଠକ୍ କରିକରି ଗର୍ଭଗୃହ, ଜର୍ନାଲିଷ୍ଟ୍ରୀ ଆର ନାଟ୍ୟଶୃଙ୍ଖଳା ର ଆଗ୍ରେ ମରାମତି ବାବଦେ ନିଷ୍ପତି ନେବେ । ହେଲେ ଯାଞ୍ଚ ଶ୍ରୀମନ୍ଦିର ଲାଗି ହେତା କେହେନି ବଡ଼ ବିପଦ୍ ରହିଥିବାର ଜନା ନାହିଁ ପଡ଼ି । ଇନ ସୁଚେଇ ଦିଆଯାଇପାରେ ଯେ, ୧୯୯୩ ମସିହାଥୁ ଗର୍ଭଗୃହ ନୁ ପଥର ଖସରବାର ଉତାରୁ ମାହାପୁରୁକୁ ଅଲଗା ଜାଗାରେ ନିଆଯାଇକରି ଗର୍ଭଗୃହର ମରାମତି କରାଯାଇଥିଲା । ହେ ବଛର ନୁ ରଥଯାତ୍ରା ସମିଆଥୁ ମାହାପୁରୁମାନେ ନାହିଁ ଥିଲା ବେଲେ ବିଶେଷଜ୍ଞମାନକର ଦ୍ଵାରା ଗର୍ଭଗୃହର ଥିତି ଯାଞ୍ଚ କରାଯାଇଥିଲା ।

କେନ୍ଦ୍ରର ନ ୩ ଦିନିଆ ମୋଦୀ ଫେଷ୍ଟ ଶେଷ ହେଇଛି । ଇଥି କେନ୍ଦ୍ର ସରକାରଙ୍କର ଭିନ୍ ଭିନ୍ ଜନକଲ୍ୟାଣ ଯୋଜନା ବାବଦେ ଲୁକ୍କୁ ସଚେତନ କରାଯାଇଥିଲା । ଉଦ୍‌ଯାପନୀ ଉତ୍ସର୍ଥ ବିଜେପି ଜିଲ୍ଲା ସଭାପତି ରାଧାକାନ୍ତ ମହାନ୍ତ କୁନ୍ଥା ହିସାବେ ଯୋଗ ଦେଇକରି ଯୋଜନାମାନଙ୍କର ଫାଏଦା ଲୁକେ ନେବାରକେ ଅନୁରୋଧ କରିଥିଲେ ।

ରାଜସ୍ୱ RNU/CTC

ରାଏଜେ ଜାତୀୟ ରାଜପଥ ଆଉ ରାଜ୍ୟ ରାଜପଥ ତରାନ୍ତୁ ମଦ ଦୁକାନମାନ ବନ୍ଦ କରି ଦିଆଯିବାରନ୍ତୁ ଇ ଆର୍ଥିକ ବଛରର ପହେଲା ୩ ମାସେ ସରକାରଙ୍କୁ ଗଲା ବଛର ତୁଲନାଥ ୩୨ କୁଟି ଟଙ୍କାର କମ ରାଜସ୍ୱ ମିଳିଛି । ଇନ ସୁଚେଇ ଦିଆଯାଇପାରେ ଯେ, ଉଚ୍ଚତମ ନ୍ୟାୟାଳୟଙ୍କର ନିର୍ଦ୍ଦେଶ ନ ରାଏଜ ସରକାର ରାଏଜର ରାଜପଥ ତରାନ୍ତୁ ମଦ ଦୁକାନ ମାନକୁ ଉଚ୍ଛେଦ କରିଛନ୍ ।

ରେଲବାଇ ବୋର୍ଡ RNU/CTC

ଇଷ୍ଟକୋଷ୍ଟ ରେଲ୍‌ବାଇ ଅଧୀନେ ଚାଲିଥିବାର ରେଲ୍‌ବାଇ ପ୍ରକଳ୍ପର କାମ୍‌ଥୁ ଟଙ୍କା ବାଧା ନାହିଁ ହୁଏ ହେଥିଲୁଣାଗି ଯେଉଁକି ଟଙ୍କା ଦରକାର ଯୁଗେଇ ଦିଆଯିବା ବଳି ରେଲ୍‌ବାଇ ବୋର୍ଡର ଚେୟାରମେନ୍ ଏ.କେ. ମିତଲ୍ କହିଛନ୍ । ଇ ବଛର ଇଷ୍ଟକୋଷ୍ଟ ରେଲ୍‌ବାଇର କାମ୍ କାଜର ସମୀକ୍ଷା କଲା ବେଲ୍‌କେ ସେ ହେ କଥା କହିଛନ୍ ।

ଜଲ୍‌ସେଚନ୍ RNU/CTC

ଇ ବଛର ମାର୍ଚ୍ଚ ମାସର ଶେଷତକ୍ ରାଏଜେ ୩ ହଜାର ୮୧୭ ଲକ୍ଷ ହେକ୍ଟର ଜମିକେ ଜଲ୍‌ସେଚନ୍ ବ୍ୟବସ୍ଥା କରାଯାଇଥିବାର ବେଲେ କୃଷି କ୍ଷେତ୍ର ନ ନୂଆଁ ଜ୍ଞାନକୌଶଲ୍ ବେଭାର କରାଯାଉଛେ ବଳି ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ କହିଛନ୍ । ଆଏଜ୍ ଭୁବ୍‌ନେଶ୍ୱରେ ଜଲ୍ ବିଭାଜିକା କାର୍ଯ୍ୟକ୍ରମ୍ ଜରିଏ ସମନ୍ୱିତ୍ କୃଷିର ବିକାଶ୍ ଶୀର୍ଷକ୍ ଗୁଟେ କର୍ମଶାଳାଥୁ ଯୋଗ୍ ଦେଇକରି ଶ୍ରୀ ପଟ୍ଟନାୟକ୍ ଇଟା କହିଛନ୍ । ସେ କହିଛନ୍ ଯେ, ଖାଦ୍ୟ ଯୁଗାବାର ଦିଗେ ଓଡ଼ିଶା ଦେଶେ ୩ ନୟର ରାଏଜ୍ ହେବାର ସହେତେ ଫସଲ୍ ଆମ୍‌ଦାନୀ ଦିଗେ ବଢ଼ି ହେଇଛେ । ହେଥିଲୁଣାଗି ରାଏଜ୍‌କେ ୪ ନୟର ଥର ଲାଗି କୃଷି କର୍ମଶ୍

ପୁରସ୍କାର ମିଳିଛି ବଳି ମୁଖ୍ୟମନ୍ତ୍ରୀ କହିଛନ୍ । ଇ ଅବସରେ  
ମୁଖ୍ୟମନ୍ତ୍ରୀ ଶ୍ରୀ ପଟ୍ଟନାୟକ ୭୭ ଝନ୍ ସହକାରୀ ମୃତ୍ତିକା  
ସଂରକ୍ଷଣ ଅଧିକାରୀଙ୍କୁ ନୂଆଁ ନିଯୁକ୍ତି ପତର ଦେଇଥିଲେ ।

ମାଓବାଦୀ ଆତ୍ମସମର୍ପଣ Deogarh/R

ଦେବଗଡ଼ ଏସ୍.ପି.ଙ୍କର ଠାମେ ଆଏଇ ଝନେ ମହିଲା  
ମାଓବାଦୀ ଆତ୍ମସମର୍ପଣ କରିଛନ୍ । ତାକର ନାଁ ସାବିତ୍ରୀ ମୁର୍ମୁ  
ଓରଫ୍ କୁନି ଆଉ ତାକର ଘର କେନ୍ଦୁଝର ଜିଲ୍ଲାର ତେଲକୋଇ  
ଇଲାକା ନ ବଳି ସୁରନା ଦିଆଯାଇଛି । ୨୦୦୮ ମସିହା ନ  
ମାଓବାଦୀ ସଂଗଠନର କଲିଙ୍ଗ ନଗର ଡିଭିଜନ୍‌ଥି ସାମିଲ୍  
ହେଇକରି ସାବିତ୍ରୀ ଯାଜପୁର, ଅନୁଗୁଲ୍ ଆଉ ଦେବଗଡ଼ ଇଲାକା  
ନ ମାଓ କାର୍ଯ୍ୟକଳାପ୍‌ଥି ସାମିଲ୍ ଥିଲେ ବଳି ସୁରନା ଦେବାର  
ସଙ୍ଗେ ଏସ୍‌ପି ସାରା ଶର୍ମା କହିଛନ୍...

ସିଏ ଦଇତାରୀ ଥାନା ଏଟେକ୍‌ରେ ଇନ୍‌ଭଲ୍‌ଭ୍ ଥିଲେ । ତା  
ଛଡ଼ା ଗୋଟେ ଏକ୍ସ୍‌ପ୍ରେସ୍ ଅଫ୍ ଫାୟାର ହେଇଥିଲା  
ଟିକର୍‌ପଡ଼ାରେ ଅଣ୍ଡର କାଲିଆପାଣି ପିଏସ୍. ସେଠି ବି ତାଙ୍କର  
ଇନ୍‌ଭଲ୍‌ଭ୍‌ମେଣ୍ଟ୍ ଥିଲା । ଗୋଟେ ସ୍କିମିଙ୍ଗ୍ କମିଟି ମିଟିଙ୍ଗ୍ ହେବ  
ଯଉଠି ଗଉଣ୍ଡିମେଣ୍ଟର ଯାହା ଯାହାବି ସରେଣ୍ଡର ବେନିଫିଟ୍

ଅଛି, ସେ ତାଙ୍କୁ ଯତ୍ନ ଯତ୍ନେ ଏପ୍ଲିକେସନ୍ ଆମେ ସବୁ  
ବେନିଫିଟ୍ ତାଙ୍କୁ ଦେବୁ ।

ମାଓ କେମ୍ RNU/CTC

କନ୍ୟମାଲ୍ ଜିଲ୍ଲା କୋଟଗଡ଼୍ ବ୍ଲକ୍ ସୁବର୍ଣ୍ଣଗିରି ପାଣ୍ଡି ଇଲାକାର  
ଜଙ୍ଗଲ୍‌ନୁ ଗୁଚେ ମାଓ କେମ୍‌କେ ଠାବ୍ କରାଯାଇକରି ନଷ୍ଟ  
କରାଯାଇଛେ । ମିଳିଥିବାର୍ ସୂଚନା ଅନୁସାରେ ସକେଲି ଆର୍  
ମାଲିଗୁଡ଼ା ଗାଁର୍ ମଝା ଜଙ୍ଗଲ୍‌ଥୁ ମାଓବାଦୀମାନକର୍ ଚଲ୍‌ପ୍ରଚଲ୍  
ଥିବାର୍ ଖବର୍ ପାଇକରି ସିଆର୍ପିଏଫ୍ ଜବାନ୍ ମାନେ ହେ  
ଇଲାକାନ ତଲାସୀ ଅଭିଯାନ୍ କରିଥିଲେ । ହେଥୁ ହେ  
ମାଓକେମ୍‌କେ ଠାବ୍ କରାଯାଇଥିଲା । ସେନେ କେହି ମାଓବାଦୀ  
ନାହିଁ ଥିବାର୍ ବେଲେ ସିଆର୍ପିଏଫ୍ ଜବାନ୍ ମାନେ ହେନ୍ତୁ ଯେ  
ବନ୍ଧୁକ୍ ଆର୍ ଅଧା କେଜି ବିସ୍ଫୋରକ୍ ପାଇଥିଲେ । ହେଲେ ହେ  
ଇଲାକା ନ ମାଓବାଦୀମାନେ ଲୁକିଥିବାର୍ ସନ୍ଦେହ୍ କର୍ମ୍  
ଅପରେସନ୍‌କେ ଜୋର୍ଦାର୍ କରାଯାଇଛେ ବଲି ସିଆର୍ପିଏଫ୍‌ର  
ଡେପୁଟି କମାଣ୍ଡାନ୍ ଏଫ୍.କୁଲୁ ଆର୍ ଏସିଷ୍ଟାନ୍ କମାଣ୍ଡାନ୍  
ଦୀନେଶ୍ କ୍ରୀଷ୍ଣ ଯାଦବ୍ ସୂଚନା ଦେଇଛନ୍ ।

ନିଆଳି ମେଣ୍ଟା ମୃତ୍ୟୁ ଘଟଣା

RNU/CTC

କଟକ ଜିଲ୍ଲାର ନିଆଳି ଥାର ଥାଖର ପାଖର ଇଲାକା ନ ମେଢ଼ି ମରବାର ଘଟଣା ଥି ବିଶେଷଜ୍ଞ ଦଳ ନମୁନା ସଂଗ୍ରହ କରିଛନ୍ । ଯେନ ହିସାବେ ମେଢ଼ି ମାନେ ଖଞ୍ଜିଆ ଖାରରା ହେଇଛନ୍ ହେଥୁ ଇଟା ହୁଁଡ଼ାର ଆକ୍ରମଣ ଥି ହେଇଥାଇ ପାରେ ବଳି ଅନୁମାନ କରାଯାଇଛେ । ସେଆଡ଼େ ପୁଲିସ୍ ଥାର ପ୍ରଶାସନକେ ତଦନ୍ତ ଥି ସାହାଜ୍ କରବାରକେ ଗାଁ ମାନକୁ ଯୁଥାନ ପିଲାକୁ ନେଇକରି ଦଳ ଗଠନ କରାଯାଇଛେ । ହେନ୍ତା ନଏଦ୍ ଖଞ୍ଜି, ଗାଁଖୁଲି ଥାର କେତେ ଜାଗା ନ ସିସିଟିଭି କେମେରା ଲଗାବାରକେ ପଦକ୍ଷେପ ନିଆଯାଇଛେ । ଫେସ୍‌ବୁକ୍ ନ ଅଜଣା ଜନ୍ତୁର ଭିନ୍ ଭିନ୍ ଫଟୁ ପୋଷ୍ଟ୍ କରବାର ଉପରେ ପୁଲିସ୍ କଟକନା ଲଗେଇଛେ । ଲୁକେ ଭୟଭୀତ୍ ନାଇଁ ହେଇକରି ହେ ଜନ୍ତୁକେ ଠାର କରବାର ଦିଗେ ପୁଲିସ୍ ଥାର ବନ୍ ବିଭାଗକେ ସାହାଜ୍ କରବାରକେ ଅନୁରୋଧ୍ କରାଯାଇଛେ ।

ଜିଏମ୍‌ସୁ

RNU/SBP

ସମ୍ବଲପୁର ଗଙ୍ଗାଧର ମେହେର ବିଶ୍ୱବିଦ୍ୟାଳୟ- ଜିଏମ୍‌ସୁ ନ ଗୁଟେ ଅତ୍ୟାଧୁନିକ୍ ପ୍ରେକ୍ଷାଳୟ ତିଆରବାର ଲାଗି ଥାଏଜ୍



ଶିଳାନିର୍ମାଣ କରାଯାଇଛି । ପଶ୍ଚିମ ଓଡ଼ିଶା ବିକାଶ ପରିଷଦର ଅଧ୍ୟକ୍ଷ କିଶୋର ମହାନ୍ତି ଶିଳାନିର୍ମାଣ କରିଥିବାର ବେଳେ କୁଳପତି ସୁଧାଂଶୁ ଶେଖର ରଥ, ବିଧାନିକା ଡାକ୍ତର ରାସେଶ୍ୱରୀ ପାଣିଗ୍ରାହୀ, ଜିଲ୍ଲାପାଳ ସମର୍ଥ ବର୍ମା ଆଉ ପଶ୍ଚିମ ଓଡ଼ିଶା ବିକାଶ ପରିଷଦର ମୁଖ୍ୟ କାର୍ଯ୍ୟନିର୍ବାହୀ ପ୍ରେମାନିଧି ସେଠି ଉପସ୍ଥିତ ଥିଲେ । ୧୨ କୁଟି ଟଙ୍କା ଖର୍ଚ୍ଚା ହେବାରକେ ଥିବା ଉପକ୍ରମେ ଡିପ୍ଟିମେଣ୍ଟର ନିର୍ଦ୍ଦେଶକ ୧୫ ଲୋକ୍ ବସ୍ତ୍ରାବଳୀ ବ୍ୟବସ୍ଥା କରାଯିବା ଆଉ ଉଚ୍ଚା ଆଦର ବାସ୍ତୁବଳ କୋର୍ଟ ନ ଡିଆରା ଯିବା । ପଶ୍ଚିମ ଓଡ଼ିଶା ବିକାଶ ପରିଷଦ ତରଫୁ ପ୍ରେକ୍ଷାଳୟ ଡିଆରବାରକେ ପହେଲା ଖେପେ ୫ କୁଟି ଟଙ୍କା ଯୁଗେଇ ଦିଆଯାଇଛି । ସେତା ଲେଡ଼ିଲୁଇସ୍ ଗାର୍ଲ୍ ହାଇସ୍କୁଲ ନ ଭିଲ୍ ୨୮ ଲାଖ୍ ଟଙ୍କା ଗୁଡେ ପ୍ରେକ୍ଷାଳୟ ଡିଆରି ଲାଗି ପଶ୍ଚିମ ଓଡ଼ିଶା ବିକାଶ ପରିଷଦର ଅଧ୍ୟକ୍ଷ ଶ୍ରୀ ମହାନ୍ତି ଆଏକ୍ ଶିଳାନିର୍ମାଣ କରିଛନ୍ ।

ମେଲେରିଆ, ଡେଙ୍ଗୁ ଡାଇରିଆ RNU/SBP

ସମ୍ବଲପୁର ଜିଲ୍ଲାପାଳଙ୍କର ଅଧିକ କୁଠି ନ ମେଲେରିଆ, ଡେଙ୍ଗୁ ଆଉ ଡାଇରିଆ ନିରାକରଣ ଅଭିଯାନର ବୈଠକ୍ ହେଇଯାଇଛି । ଇଥି ଜିଲ୍ଲା ମେଲେରିଆ ଅଧିକାରୀ ଅଶୋକ୍

କୁମାର ଦାଶ ଜିଲ୍ଲାନ ଅଭିଯାନର କାର୍ଯ୍ୟକ୍ରମ ବାବଦେ ସୂଚନା ଦେଇକରି ଆଏବା ସେପ୍ଟେମ୍ବର ମାସର ୧୭ ତାରିଖତକ ଇ ଅଭିଯାନ ଚାଲିବା ବଳି କହିଥିଲେ । ଇ କେମ୍ପେନ୍‌ଥି ଉଲ୍ଲେଖନୀୟ ସଫଳତା ହାସଲ କରିଥିବାର ବୁକ୍‌କେ ରାଜ୍ୟ ସରକାରଙ୍କର ଆଡୁ ୫୦ ହଜାର ଟଙ୍କା ପୁରସ୍କାର ଦିଆଯିବା ବଳି ଥିବ କରାଯାଇଛି । ବୈଠକ୍‌ଥି ଜିଲ୍ଲା ମୁଖ୍ୟ ଚିକିତ୍ସାଧିକାରୀ ଡାକ୍ତର କୋଦଣ୍ଡ ରାଓ, ଏଡ଼ିଏମ୍‌ଓ ଡାକ୍ତର ପଙ୍କଜୀନୀ ପଣ୍ଡା, ସମ୍ବଲପୁର ମହାନଗର ନିଗମ୍ ସ୍ୱାସ୍ଥ୍ୟ ଅଧିକାରୀ ଡାକ୍ତର ମହେନ୍ଦ୍ର ନନ୍ଦ ଆର ଉତ୍ତୀ ବିଭାଗୀୟ ଅଧିକାରୀମାନେ ଯୋଗ୍ ଦେଇଥିଲେ ।

ଆଜୀବନ କାରାଦଣ୍ଡ RNU/CTC

ଝାରସୁଗୁଡ଼ା ଜିଲ୍ଲାର ବେଲପାହାଡ଼ ଥାନା ଇଲାକାଥି ଗଲା ୨୦୧୦ ମସିହାଥି ଝନେ ଗାଡ଼ି ଅପହରଣ୍ କରିନେଇକରି ଡ୍ରାଇଭରକେ ହତ୍ୟା ମାମ୍ଲାଥି ଅତିରିକ୍ତ ଜିଲ୍ଲା ଦୌରାଜଜ୍ ଡାକ୍ତର ରାୟ ଦେଇଛନ୍ । ୨୧ ଝନକର ସାକ୍ଷୀ ବୟାନ ଆଧାରଥି ଅତିରିକ୍ତ ଜିଲ୍ଲା ଦୌରାଜଜ୍ ୨ ଝନ୍ ଅଭିଯୁକ୍ତଙ୍କୁ ଦୋଷୀ ସାବ୍ୟସ୍ତ କରିକରି ଆଜୀବନ୍ କାରାଦଣ୍ଡଥି ଦଣ୍ଡିତ୍ କରିଛନ୍ ।

ନୂଆଦିଲ୍ଲୀର ଇଂଟର ନେସନାଲ୍ ପବ୍ଲିସିଙ୍ଗ୍ ହାଉସ୍ ତରଫୁ ଓଡ଼ିଶାର ନାଁକରା କ୍ରୀଡ଼ା ଘୋଷକ ଅମୀୟ କୁମାର ଚାନ୍ଦଙ୍କୁ ବେଷ୍ଟ ସିଟିଜନ୍ ଅଫ୍ ଇଣ୍ଡିଆ ଆଓଡ଼ା - ୨୦୧୭ ଦିଆଯାଇଛି । ଦେଶର ପୂର୍ବାଂଚଳ ରାଏଜ୍ ମାନ୍କର ଭିତରୁ ଓଡ଼ିଶାର ଶ୍ରୀ ଚାନ୍ଦଙ୍କୁ ଇ ଜାତୀୟ ସମ୍ମାନ ଦିଆଯାଇଛି । ଇ ବକ୍ସର ମାର୍ଚ୍ଚ ମାସେ ଦିଲ୍ଲୀ ନ ଗୁଟେ ଖାସ୍ ଉତ୍ସବ୍ ଶ୍ରୀ ଚାନ୍ଦଙ୍କୁ ଭାରତ୍ ଗୌରବ୍ ସମ୍ମାନ ଭିଲ୍ ମିଲିଥିଲା ।

ପାଣିପାଗ      Official

ରାଏଜେ ଏବ୍‌ତକ୍ ହେଇଥିବା ବର୍ଷାର ପରିମାଣ୍ ହାରାହାରି ନୁ ୩ ପ୍ରତିଶତ୍ କମ୍ ଅଛି । ୧୦ଟା ଜିଲ୍ଲା ନ ମୌସୁମୀ ବର୍ଷାର ପରିମାଣ୍ କମ୍ ରହିଛି ବଳି ଭୁବନେଶ୍ୱର ପାଣିପାଗ୍ ବିଭାଗ୍ ତରଫୁ କୁହାଯାଇଛି । ପାଣିପାଗ୍ ବିଭାଗ୍ ଅନ୍‌ସାରେ ଇ ମାସର୍ ପହେଲା ନୁ ଆଏକ୍‌ତକ୍ ଦେଶେ ୧ ପ୍ରତିଶତ୍ କମ୍ ବର୍ଷା ହେଇଥିବାର୍ ବେଲେ ଓଡ଼ିଶା ନ ୩ ପ୍ରତିଶତ୍ କମ୍ ବର୍ଷା ହେଇଛି । ଆଏବା ୨୯ ତାରିଖ୍ ବେଲ୍‌କେ ବଙ୍ଗୋପ୍ ସାଗର୍ ନ ଆର୍ ଗୁଟେ ଘୂର୍ଣ୍ଣିବଳୟ ହେବାର୍ ସମ୍ଭାବନା ଅଛି । ଆଉ

ହେଥିବୁ ପ୍ରଭାବ୍ୟୁ ଆଏବା ମାସରୁ ୩ ତାରିଖ ଯାଏ ରାଏଜରୁ  
ସବୁ ଇଲାକା ନ ବର୍ଷା ଜାରି ରହେବା ବଳି ପାଣିପାଗୁ ବିଭାଗ  
ତରଫୁ ପୂର୍ବାନୁମାନ କରାଯାଇଛି ।

ଖରିଫ୍ ଚାଷ RNU/SBP

ସମ୍ବଲପୁର ଜିଲ୍ଲାଥି ଭଲ ବର୍ଷା ଉତ୍ତରୁ ଖରିଫ୍ ଫସଲର ଧାନ  
ଚାଷ ଲାଗି ଜୋରସୋର ତୟାରି ଚାଲିଛି । ଜିଲ୍ଲାଥି ଜୁନ୍ ମାସ  
ହାରାହାରି ୨୨୧ ମିଲିମିଟର ବର୍ଷା ହେସି । ଇଥର ଇ ମାସ ୨୧  
ତାରିଖତକ୍ ଜିଲ୍ଲା ନ ପାଖାପାଖୁ ୧୪୦ ମିଲିମିଟର ବର୍ଷା  
ହେଲାନ । ଇଥି ଜିଲ୍ଲାରୁ ୯ଟା ବ୍ଲକ୍ ଭିତ୍ତରୁ ନାକ୍ଟିଦେଉଲ୍ନେ  
ସବୁଠାନ୍ ଅଏତ୍ତକା ୨୫୪ ଆଉ ବାମ୍ବରା ବ୍ଲକ୍ତୁ ସବୁଠାନ୍ କମ୍  
୯୦ ମିଲିମିଟର ବର୍ଷା ହେଇଛି ।

ଇନ ଜନେଇ ଦିଆଯାଇପାରେ ଯେ, ଜିଲ୍ଲାଥି ୧ ଲାଖ ୬ ହଜାର  
୮ଶହ ହେକ୍ଟର ଜମି ନ ଧାନ ଆଉ ଅଲ୍ଗା ଫସଲକେ  
ମିଶେଇକରି ୧ ଲାଖ ୯୦ ହଜାରନ୍ତୁ ଅଏତ୍ତକା ହେକ୍ଟର ଜମିଥି  
ଖରିଫ୍ ଚାଷ କରାଯିବା । ଇଥର ପରମ୍ପରାଗତ କୃଷି ବିକାଶ  
ଯୋଜନା ଅନ୍ତସାରେ କୁଟିଣ୍ଡା ସର୍ଭିଭିଜନ୍ନେ ୨ହଜାର ହେକ୍ଟର  
ଜମିଥି ଜୈବିକ୍ ଚାଷ କରାଯିବା ।

ଆଶାୟୀ ଶିକ୍ଷକ

Kalahandi/R

କଳାହାଣ୍ଡି ଜିଲ୍ଲାର ସଦର ମହକୁମା ଭବାନୀପାଟ୍ଟଣାନ୍ତୁ ଆଏଜ୍  
ତାଲିମ୍ ପ୍ରାପ୍ତ ଆଶାୟୀ ଶିକ୍ଷକ ସଂଘ ତରଫୁ ଜିଲ୍ଲାପାଲଙ୍କର  
ଅର୍ଫିସ୍ ଆଗାଡ଼େ ବିଷୋଭ ପ୍ରଦର୍ଶନ କରାଯାଇଛି । ଜିଲ୍ଲା ନ  
ଖାଲିଥିବାର ସବୁ ଶିକ୍ଷକ ପଦ୍ବୀ ପୂରଣ୍ ସହେତେ ୫ ଦଫା ଦାବି  
ପତ୍ର ସଂଘ ତରଫୁ ଜିଲ୍ଲାପାଲଙ୍କୁ ଦିଆଯାଇଛି । ଶତାଧିକ  
ତାଲିମ୍ ପ୍ରାପ୍ତ ଯୁଆନ୍ ପିଲାଟୁକେଲ୍ ଇ ବିଷୋଭ୍ ସାମିଲ୍  
ହେଇଥିଲେ ।